

IN THE TRADITIONAL RIGHTS COURT
REPUBLIC OF THE MARSHALL ISLANDS

KOTTA LOKAR,)	CIVIL ACTION NO. 1997-124
)	
Plaintiff,)	
)	
vs.)	
)	SUMMARY OF CASE
LANBO KEMOOT,)	
)	
Defendant.)	
<hr style="width:40%; margin-left:0;"/>		

APPEARANCE:

For the Plaintiff: Hemos Jack
For the Defendant: Dennis Reeder

MELELE KO ILO TU KADU

Court eo an Manit ear komane ien ronjake eo an ikijien High Court Civil Action No. 1997-124, ilo ran kein May 25-28, 1998, ilo Courthouse eo ilo Uliga, Majuro, Marshall Islands. Ro uan Panel eo rar Beia Lalej, Chief Judge, Berson Joseph, Associate Judge im Riley Albertter, Associate Judge.

ACTION TAKEN:

1. (a) KAJITOK NO. 1: Won eo ejimwe im jejjet ilo mantin Majol ian Dri-abnono Kotta Lokar (Kotta) im Dri-jumae abnono Lanbo Kemoot (Lanbo) bwe en jolete ak kabwijer maron eo an Iroiij edrik ilo weto

ko rar ber iumin maron eo an Neiar Moses?

(b) UAK EO EMWIJ AN COURT IN TOBARE: Armij eo ekkar bwe en binej jenkwon Neiar Moses rainin ekkar non mantin Marshall ej Lanbo.

(c) MELELE KO ILO TU KADU IKIJIEN ETKE LANBO IM JAB KOTTA: Kinke ilo menmenbwij eo ej kalikar bwe ebeben eo an Lanbo eritto jen eo an Kotta. Enin ej manit eo na etan "**JIDRAK IN BWIJ**."

Ewor ruo men ko Kotta ej kajion karel kij bwe jen lori. Men eo mokta ej kin mantin ak lajrak in jolet ko ilo juon bwirej ak kabijuknen. Ej ba bwe mokta lio iman ilo bwij eo eritto enaj kabjer maron eo. Ne emij inem maron eo enaj ilok non ro nejin. Im ne remat im jako enaj ilok maron in non nejin ro nejin. Inem ne remat im jako maron in enaj ilok non ro nejin ro nejin ro nejin ro nejin, im eindrein manlok. Elane jenaj lor melele in an Kotta, inem melele in bwe jej iten jeblak jen manit ko jar jela kaki jen ritto ro ad. Elane mol melele in an Kotta inem etke elkin an mij Lanbo Tobinwa maron in iroiij eo ear ilok non Tarbit Murjel, lio jatin im jab non Toklan, lio nejin?

Eo kein karuo, ej bwe Taidrik ear kabjer maron in iroiij kinke Neika ear lelok non e maron in ilo kilan kalaplap. Ejelok ian menin kamol ko ilo pepa, kab ilo naan rej rie Kotta ilo lemnak ak melele in an. Menin kamol kein rej kwalok bwe Taidrik ear kabjer maron in iroiij kinke ekkar non mantin majol. Kajitok in kin won eo iman ian Neika im Taidrik ejab juon eo ekaal einwot an kar mwij uake lok wot mokta ilo tore ko an Trust Territory, einwot an alikar

ilo High Court Civil Action No. 69. Ilo menmenbwij eo ej kalikar bwe Taidrik ej juon ebeben imanin lok ebeben eo an Neika. Ilo mantin Majol Neika enaj mandren Taidrik. Kio ewor ke ilo manit kein ad ke juon lijemmanod emaron le iman juon laulleb ilo an ejelok bwilok ak karok ikotan iroi j im armij ro air? Neiar Moses ear binej jenkwon Taidrik ekkar non mantin Majol im jab kin maron eo jen Neika einwot an Kotta ba.

ETAN DRI-KAMOL RO AN DRI-ABNONO IM ADDRESS KO AIR:

1. Kotta Lokar
Utidrikan, Majuro Atoll
2. Kanki Amlej (Expert)
Uliga, Majuro Atoll
3. Crimson Hoseia
Ajeltake, Majuro Atoll
4. Ermine Narahun
Rita, Majuro Atoll
5. Eonmwij Ledror
Ajeltake, Majuro Atoll
6. Telbwij Toring
Laura, Majuro Atoll

ETAN DRI-KAMOL RO AN DRI-JUMAE ABNONO IM ADDRESS KO AIR:

1. Harry Ueno
Laura, Majuro Atoll
2. Yoseph Mella
Laura, Majuro Atoll
3. Jeltan Lanki
Utidrikan, Majuro Atoll

3. **MENIN KAMOL AK PEPA KO RAUROK RAR DRELON IM EMWIJ BUKI:**

1. Menmenbwij eo an Jebdrik Koble Aremen
2. Lajrak in weto ko emwij lease i
3. Pepa eo alap ro rar sign i non kile kotta Lokar
4. Driklok in Exhibit A
5. Milne Brothers' Lease
6. Maibo Chong Gum Lease

4. **MENIN KAMOL AK PEPA KO RAUROK RAR DRELON IM EMWIJ BUKI:**

1. Jemlok eo an Trust Territory High Court C.A. No. 60
2. Ownership of Land Majuro Atoll 15 August 1959 Publication

5. **MEN KO JET PANEL EO EJ TOMAK BWE RAIKUIJ BAR ALIKAR IJIN:**

1. Ilo menmenbwij eo ej kalikar bwe ear wor ruo kora rar make wot im erro ej jim-jen jem-jati. Etan kora rein rej Lanbo Tobinwa, lio eritto im lio edrik ej Tarbit Murjel. Elane jenaj itok non lajrak in joleti maron ko ej ial eo in bwe elane emij Lanbo Tobinwa inem maron ko kar an rejamin ilok kajimwe non ro nejin ak renaj ilok mokta non lio jatin eo im ej Tarbit Murjel kinke ebeben eo an eritto lok jen eo an ajri ro. Melelen bwe maron ej ilok jen ebeben non ebeben, ak elane jenaj lale menmenbwij eo jenaj ba ej ijino jen anmin ilok non anbwijmaron.

2. Jede in bwij ej aikuij alikar bwe ejab bedbed ion manit im jej jab aikuij in kobolalaiki.

3. Elkin an mij Neiar Moses, Kotta ear komane juon kwelok an

alap ro im tokjen kwelok in, alap ro rar kelet Kotta bwe en bok jikin Neiar Moses. Kajitok eo in, etke ne e eo ekkar bwe en bok jikin Neiar Moses, inem etke ear aikuij in wor juon ekelel? Ilo mantin Majol, armij rej jab kelet won eo ej air iroi, alap ak bar maron ko jet kinke emwij im dredrelok an manit eo kelet im kolajrak won eo enaj binej jenkwon won. Ilo an Court in etale abnono in ilo case in, ej lo bwe emoj im dredrelok an manit eo kelet im kajijet Lanbo im ro jatin bwe einwot ro rej binej jenkwon Neiar Moses im joleti maron ko an.

Ran: June 25, 1998.



BEIA LALEJ, Chief Judge
Traditional Rights Courts
Republic of the Marshall Islands



RILEY ALBERTTER, Associate Judge
Traditional Rights Court
Republic of the Marshall Islands



BERSON JOSEPH, Associate Judge
Traditional Rights Court
Republic of the Marshall Islands

FILED

JUN 25 1998

.....
CHIEF CLERK OF COURTS
REPUBLIC OF MARSHALL ISLANDS